

瞑

眩

瘳

二



瞑眩瘳

四之三



頭痛

醫書多分頭痛頭風為

而近者名頭痛其痛卒



病也。但有新久去留之分。再淺

風其痛作止不常。愈後遇觸復發也。皆當驗其邪所從來而治之。

世俗治頭痛不從風則從寒。安知其有不一之邪乎。有六氣相

侵。與清陽之真氣相薄而痛者。有蔽府經脈之氣逆。上亂於頭之

清道。致其不得運行。壅遏經隧而痛者。蓋頭象天。三陽六腑清陽

之氣皆會於此。三陰五藏精華之血亦皆注於此。於是天氣所發

六淫之邪。人氣所變五賊之逆。皆能相害。或蔽覆其清明。或瘀塞



其經絡因與其氣相薄鬱而成熱則脉滿、則痛若邪氣稽留則脉亦滿而氣血亂故痛甚是痛皆為實也若寒濕所侵雖真氣虛不與相薄成熱然其邪客於脉外則血泣脉寒、則脉縮卷緊急外引小絡而痛得溫則痛止是痛為虛也如因風木痛者則抽掣惡風或有汗而痛因暑熱痛者或有汗或無汗則皆惡熱而痛因濕而痛者則頭重而痛遇天陰尤甚因痰飲而痛者亦頭昏重而痛憤、欲吐因寒而痛者絀急惡寒而痛各與本藏所屬風寒濕熱之氣兼為之狀而痛更有氣虛而痛者遇勞則痛甚其脉大有血虛而痛者善驚惕其脉芤用是病形分之更兼所見證察之無

不得矣。東垣曰。金匱真言論云。東風生於春。病在肝。肺在頭項。故春氣者。病在頭。又諸陽會於頭面。如足太陽膀胱之脉。起於目內眥。上額交巔。直入絡腦。還出別下項。病則衝頭痛。又足少陽胆之脉。起於目內眥。上抵頭角。病則頭角額痛。夫風從上受之。風寒傷上。邪從外入。客經絡。令人振寒頭痛。身重惡寒。治在風池。風府。調其陰陽。不足則補。有餘則瀉。汗之則愈。此傷寒頭痛也。頭痛耳鳴。九竅不利者。腸胃之所生。乃氣虛頭痛也。如氣上不下。頭痛巔疾者。下虛實也。過在足少陰。巨陽甚則入腎。寒溫寒頭痛也。有厥逆頭痛者。所犯大寒。內至骨髓。以腦為主。腦逆故令頭痛。齒



亦痛。有心煩頭痛者。病在腦中。過在手巨陽少陰。乃濕熱頭痛也。
凡頭痛皆以風藥治之者。總其大辭而言之也。高巔之上。惟風
可到。故味之薄者。陰中之陽。自地升天者也。然亦有三陰
異。太陽經頭痛。惡風寒。脉浮緊。川芎獨活之類為主。少陽經
頭痛。脉弦細。往來寒熱。用柴胡黃芩主之。陽明經頭痛。自汗發
熱。不惡寒。脉浮緩長實者。升麻葛根石膏白芷主之。太陰經頭
痛。必有痰。體重。或腹痛。為痰癖。脉沉緩者。蒼朮半夏南星主之。
少陰經頭痛。三陰三陽經不行。流而足寒氣逆。為寒厥。其脉沉細。
麻黃附子細辛湯主之。厥陰經頭痛。項疼。或吐痰沫。冷厥。其脉

浮緩。吳茱萸湯主之。三陽頭痛。藥羌活防風荊芥升麻葛根白芷柴胡川芎芍藥細辛葱白連鬚。陰證頭痛。只用溫中藥如理中姜附之類。風濕熱頭痛。上壅損目。及眩痛偏正頭痛。年深不愈。並以清空膏主之。如苦頭痛。每料中加細辛。如太陰脉緩有痰。名曰痰厥頭痛。去羌活防風川芎甘草加半夏一兩半。如偏頭痛。服之不愈。減羌活防風川芎一半。加柴胡一倍。如發熱惡熱而渴。此陽明頭痛。只與白虎湯加白芷。清空膏諸般頭痛皆治。惟血虛痛在太陽厥陰者。勿用。蓋頭顛痛也。執厥頭痛。雖嚴寒猶喜風寒。微來暖處。或見煙火。其痛復作。宜清上瀉火湯。後用補氣湯。溫熱在頭而頭痛。



中國醫藥大學圖書館版權所有

者必以苦吐之。輕者用透頂散。搐鼻取涎。新沐中風為首風。頭面多汗惡風。當先風一日則病甚。至其風日則少愈。大川芎九主之。若風盛。疎散太過而痛。服辛散藥反甚者。則宜用酸澀收而降之。乃愈。乳香盞落散之類是也。已上外因有年高氣弱。清氣不能上升頭面。故昏悶而微痛。其脉弦細而微。此病本無表邪。因發汗數回。清陽之氣愈虧損。不能上榮。亦不能外固。所以病增甚。宜升陽補氣。頭痛自愈。製順氣和中湯。血虛頭痛。自魚尾眉尖後近髮際。日上攻頭痛。當歸川芎主之。氣血俱虛頭痛者。於調中益魚尾。氣湯加川芎蔓荊子細辛。痰厥頭痛。非半夏不能療。眼黑頭旋。



風虛內作。非天麻不能解。天麻苗謂之定風草。獨不為風所搖。以
治內風之神藥。內風者。虛風是也。黃芪甘溫。瀉火補元氣。實表虛。
止自汗。人參甘溫。調中補氣。瀉火。二朮甘溫。除濕補中。益氣澤瀉。
茯苓利小便。導濕。橘皮苦溫。益氣調中。而升陽。炒麴消食。蕩胃中
滯氣。麦芽寬中。助胃氣。乾姜辛熱。以滌中寒。黃檗苦寒。用酒洗。以
療冬日少火在泉而發躁也。鼻鼽腹腫。頭痛病在胃。經云。陽明
所謂客孫脉。則頭痛。鼻鼽腹腫者。陽明并於上。一者則其孫絡太
陰也。故頭痛。鼻鼽腹腫也。動作頭重痛。熱氣潮者。屬胃。丹溪
云。頭痛如破。酒炒大黃半兩。茶煎服。黑龍丹。下產後汚血。頭痛。



北京中醫藥大學圖書館版權所有

素問曰。頭疼。顛疾。下虛上實。過在足少陰。巨陽甚則入腎。狗蒙招尤。目眩耳聾。下實上虛。過在足少陽。厥陰甚則入肝。下虛者。腎虛也。故腎虛則頭痛。上虛者。肝虛也。故肝虛則頭暈。狗蒙者。如以物蒙其首。招搖不定。目眩耳聾。皆暈之狀也。故肝厥頭暈。腎厥顛痛。不同如此。腎厥玉真丸。肝厥鉤藤散。傷食頭痛。胸膈痞塞。噯酸噫敗。卵臭。畏食。雖發熱而身不痛。宜治中湯加砂仁一錢。或紅九子。傷酒頭痛。惡心嘔吐。出宿酒。昏冒眩暈。宜葛花解酲湯。怒氣傷肝。及肝氣不順。上衝于腦。令人頭痛。宜沉香降氣散。并蘇子降氣湯。下養正丹。上熱頭目赤腫而痛。胸膈煩悶。不得安卧。

身半已下皆寒足斲尤甚大便微秘宜既濟解毒湯

外有臭毒

頭痛一味喫炒香附愈頭痛連睛痛石膏鼠粘子炒為末茶清

食前調下

偏頭風頭半邊痛者是也丹溪云有痰者多左屬風荊芥薄荷

左屬血虛川芎當歸右屬痰蒼朮半夏右屬熱黃芩川芎

散細辛散草撥猪胆搐鼻中草麻子半兩去皮大棗十五枚共搗

熟塗紙上用筋捲之去筋納鼻中取下清涕即止生蘿蔔汁仰

卧注鼻中左痛注右右痛注左芎犀丸取出稠膿即愈

雷頭風頭痛而起核塊者是也或云頭如雷之鳴也為風邪所客風



動則作聲也。用清震湯。子和用茶調散吐。次用神芎丸。烏剎丸。

愈風餅子。衰者用涼膈散。亦有因痰火者。痰生熱。一生風散也。

痰火上升。壅於氣道。兼乎風化。則自然有聲。輕如蟬鳴。重如雷聲。

故名雷頭風也。用半夏。牙皂。姜汁。大黃。酒浸煨。白僵蠶。連翹。橘紅。

桔梗。天麻。各五片。茶。酒。炒。蒸。丸。食後卧。茶服二錢。以痰利為度。然

後用清痰降火調理。

真頭痛。天門真痛。上引泥丸。夕發旦死。旦發夕死。為腦為髓。海真

氣之所聚。卒不受邪。受邪則死。不可治。古方云。與黑錫丹灸百會。

猛進參沉烏附。或可生。然天柱折者。亦難為力矣。



大頭痛。頭腫大如斗。是也。是天行時疫病。長夏多疫癘。初覺。寒體重。次傳面目腫盛。目不能開。上喘咽喉不利。舌乾口燥。俗云。大頭天行。親戚不相訪問。如染之多不救。有患此者。醫以承氣湯加藍根下之。稍緩。翼日其病如故。下之又緩。終莫能愈。漸危。篤東垣診視。具說其由。曰。夫身半已上。天之氣也。身半已下。地之氣也。此乃邪熱客於心肺之間。上攻頭而為腫盛。以承氣下之。瀉胃之中。之寔熱。是誅罰無過。殊不知其所病之故。遂處方用黃連黃芩。味苦。瀉心肺間熱。以為君。橘紅玄參苦寒。生甘草甘寒。瀉火補氣。以為臣。連翹鼠粘子薄荷葉苦辛平。板藍根味甘寒。馬尾勃白僵。



中國醫藥學圖書館版權所有

蠶味○苦○平○散腫消毒定喘以為佐○新升麻柴胡○行少陽、明○
之不得伸○桔梗味辛溫為舟楫○不令下行○共為細末○用湯調時○
服之○蜜為丸○噙化○服盡良愈○名晉濟消毒飲子○少陽為邪者○出
於耳前後也○陽明者○首面大腫也○先以黃芩黃連甘草炒過煎少
少不住服之○再用大黃酒浸煨○又以鼠粘子新瓦上炒香煎去渣○
內芒硝等分○亦細一呷之○當食後用○徐得微利○陽明渴者○加石膏○
少陽渴者○加瓜蒌根湯○陽明行經○加升麻葛根芍藥之類○太陽行
經○加羌活○陽防風○荊芥之類○選而加之○甘桔湯○加鼠粘子連翹
大黃玄明粉白僵蠶荊芥○入草龍胆尤妙外用井底泥調大黃芒硝末



敷之。

眉稜骨痛。眉骨者。目系之所過。上抵於腦。為目屬於腦也。若諸陽經。或挾外邪。鬱成風熱毒。上攻於頭腦。下注於目睛。遂從目系過。眉稜骨相併而痛。若心肝壅熱。上攻目睛而痛。則亦目系與眉骨牽連併痛。若胸膈風痰上攻者亦然。若太陰之勝。溫氣內鬱。寒迫下焦。痛留項。互引眉間。其痛有酸者。有抽掣者。有重者。有昏悶者。便可審是孰氣之勝也。東垣選奇湯。治眉骨痛不可忍。丹溪云。屬風熱與痰。治類頭風。熱者宜祛風清上散。因痰者二陳湯加酒黃芩白芷。因風寒者羌烏散。戴云。眼眶痛有二證。皆屬於



肝○有肝虛而痛○終見光明○則眼眶骨痛○甚○宜生熟地黃丸○
肝經停飲○發則眉稜骨痛○不可開○晝靜夜劇○宜導痰湯○或水瀉○
湯○加半夏○橘紅○南星○茯苓○
頭風屑○肝經風盛○木自搖動○故木陵脾土○金來剋之○是子來為母
復仇仇也○使梳頭有雪皮○見肺之證也○肺主皮毛○大便實○瀉青丸
主之○虛者人參消風散主之○按上治法○必有風熱上攻○頭目眩
痛○諸證而後用之○若止是白屑○白芷零陵香之屬○外治而已○
頭重何因得之○曰因天之濕淫外著也○因人之濕痰上蒸也○因在
下之陰氣逆於上也○皆得而頭重○何以言之○頭象於天○其氣極清○



地氣重濁。地者陰也。土_濕也。若外着內蒸。必壅蔽清道。致氣血不利。沉滯於經隧脉絡。故重內經曰。陽氣者。因於濕。首如裹。是外濕蔽着者也。又曰。脾熱病者。先頭重。是胃脉引其熱上於頭也。東垣云。頭重如山。此濕氣在頭也。紅豆散。鼻內搐之。又羌活根_燒連翹。紅豆為末。搐鼻。為飲除濕藥。則過病所。誅罰無過。故於鼻取之。猶物在高巔之上。必射而取之也。氣實有痰。頭痛眩暈。茶調

大黃下

_{酒炒}

頭搖風也。火也。二者皆主動。會之於巔。乃為搖也。病機謂諸風掉眩皆屬肝木。夫頭之巔。足太陽之所過。督脉與厥陰之所會。是故